



Ilinniartitaanermut, Kultureqarnermut,
Timersornermut Ilageeqarnermullu
Naalakkersuisoq

Ulloq: 26-10-2025
J.nr.: 01.39.01.03-00291

UKA2025/155 pillugu Naalakkersuisumut allakkatigut apeqqutit

Asasara Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

Matumuuna ataatsimiititaliap siunnersuummik UKA2025/155 suliarinninnerminut atatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoq qinnuigissavaa apeqqutit ataani allassimasut akissuteqarfigeqqullugit.

Kissaatigineqarpoq akissutit kingusinnerpaamik pingasunngorneq ulloq 29. oktober 2025 nal. 12.00 nassiunneqarsinnaanngippata Ilinniartitaanermut, Kultureqarnermut, Timersornermut Ilageeqarnermullu Naalakkersuisup tamanna pillugu ataatsimiititaliamut piaartumik ilisimatitsissutigissagaa.

Apeqquut 1:

Nunatsinni oqaluffiit ataatsimut katillugit nutarterneqarnissaannut aserfallatsaalineqarnissaannullu pilersaarummik suliaqarnissaq qanoq akeqassava?

Apeqquut 2:

Suna peqqutaava nutarterinissamut aserfallatsaaliinissamullu pilersaarummik Naalakkersuisut suliaqarusunnginnerannut, taamaallaalli pingaarnersiunerit aqqutigalugit oqaluffiit illutaasa nutarsarneqarnissaat aserfallatsaalineqarnissaallu suliarerusunneqarluni?

Apeqquut 3:

Naalakkersuisut UKA2025/155-imut allannguutissatut siunnersuutaat naapertorlugu nalunaarsuisarnissaq, pingaarnersiuisarnissaq aningaasalersuisarnissarlu eqqarsaatigalugit oqaluffiit Naalakkersuisunit suleqatigineqarniarpat?

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq
sinnerlugu

Inussiarnersumik inuulluaqqusillunga

Nivi Heilmann Efraimsen

Ataatsimiititaliap Siulittaasua